

სსიპ

საქართველოს ტექნიკური უნივერსიტეტი

ბ რ ძ ა ნ ე ბ ა

06.06.2017 № 107

თბილისი

სტუ-ის 2016 წლის 22 აგვისტოს

№152 ბრძანების ცვლილების შესახებ

„უმაღლესი განათლების შესახებ“ საქართველოს კანონის 22-ე მუხლის და საქართველოს ზოგადი ადმინისტრაციული კოდექსის 63-ე მუხლის საფუძველზე

ვ ბ რ ძ ა ნ ე ბ ა:

I. შეტანილ იქნეს ცვლილება 2016 წლის 22 აგვისტოს №152 ბრძანებაში და ნაცვლად „საგნობრივ პროფესიულ საგანმანათლებლო პროგრამებზე 2015 წლის 2 ნოემბრიდან ჩარიცხული პროფესიული სტუდენტების მესამე სასწავლო სემესტრის განრიგის შესახებ“ ეწოდოს „საგნობრივ პროფესიულ საგანმანათლებლო პროგრამებზე 2015 წლის 2 ნოემბრიდან ჩარიცხული პროფესიული სტუდენტების მესამე და მეოთხე სასწავლო სემესტრის განრიგის შესახებ“.

II. შეტანილ იქნეს ცვლილება სტუ-ის 2016 წლის 22 აგვისტოს №152 ბრძანებაში და პრეამბულა ჩამოყალიბდეს შემდეგი რედაქციით:

„პროფესიული საგანმანათლებლო პროგრამების კრედიტებით გაანგარიშების წესის დამტკიცების შესახებ“ საქართველოს განათლებისა და მეცნიერების მინისტრის 2010 წლის 10 დეკემბრის №121/5 ბრძანებისა და საქართველოს ტექნიკური უნივერსიტეტის პროფესიულ პროგრამებზე სასწავლო პროცესის მართვის ინსტრუქციის საფუძველზე, სტუ-ს საგნობრივ პროფესიულ საგანმანათლებლო პროგრამებზე 2015 წლის 2 ნოემბრიდან ჩარიცხული პროფესიული სტუდენტების მესამე და მეოთხე სასწავლო სემესტრების ორგანიზებულად ჩატარების მიზნით:“

III. შეტანილ იქნეს ცვლილება სტუ-ის 2016 წლის 22 აგვისტოს №152 ბრძანებაში და პირველი და მე-6 პუნქტები ჩამოყალიბდეს შემდეგი რედაქციით:

„1. 2015 წლის 2 ნოემბრიდან ჩარიცხული პროფესიული სტუდენტების მესამე სასწავლო სემესტრში სააუდიტორიო მეცადინეობები - ლექციები, პრაქტიკული და ლაბორატორული მეცადინეობები ჩატარდეს 2016 წლის 10 ოქტომბრიდან 2017 წლის 11 თებერვლის ჩათვლით.“

„6. სასწავლო კურსის წამყვანი მასწავლებელი/პროფესორი ვალდებულია უნივერსიტეტის ვებგვერდზე განთავსებულ სტუდენტთა შეფასების ელექტრონულ უწყისში (იხ.დანართები 3, 3¹) შეიტანოს პროფესიულ სტუდენტთა შუალედური გამოცდის (ტესტირების), დასკვნითი ან/და დამატებითი გამოცდის (იხ.დანართი 2) შედეგები გამოცდის (ტესტირების) ჩატარების ბოლო ვადის მომდევნო ორი სამუშაო დღის განმავლობაში (17 საათამდე);“


IV. შეტანილ იქნეს ცვლილება სტუ-ის 2016 წლის 22 აგვისტოს №152 ბრძანებაში და მას დაემატოს პუნქტები 5¹, 5², 5³, 5⁴, 5⁵ და დანართები 1¹, 3¹:

- “ 5¹. საგნობრივ პროფესიულ საგანმანათლებლო პროგრამებზე 2015 წლის 2 ნოემბრიდან ჩარიცხული პროფესიული სტუდენტების მეოთხე სასწავლო სემესტრში სააუდიტორიო მეცადინეობები - ლექციები, პრაქტიკული და ლაბორატორული მეცადინეობები ჩატარდეს 2017 წლის 6 მარტიდან 2017 წლის 1 ივლისის ჩათვლით.
- 5². პრაქტიკა, მისი სპეციფიკიდან გამომდინარე, ჩატარდეს სასწავლო კურსის პროგრამის (სილაბუსის) შესაბამისად;
- 5³. პირველი შუალედური გამოცდა (ტესტირება) ჩატარდეს მე-8 სასწავლო კვირაში, 2017 წლის 24 აპრილიდან 29 აპრილის ჩათვლით, მე-2 შუალედური გამოცდა (ტესტირება) – მე-14 სასწავლო კვირაში, 2017 წლის 5 ივნისიდან 10 ივნისის ჩათვლით, ხოლო მე-3 შუალედური გამოცდა (ტესტირება) – 2017 წლის 3 ივლისიდან 5 ივლისის ჩათვლით (იხ. დანართი 1¹);
- 5⁴. შუალედური გამოცდების (ტესტირების) დღეებში სააუდიტორიო მეცადინეობები არ დაიგეგმოს (იხ. დანართები 1¹ და 2);
- 5⁵. დასკვნითი გამოცდები ჩატარდეს 2017 წლის 6 ივლისიდან 8 ივლისის ჩათვლით, ხოლო დამატებითი გამოცდები 2017 წლის 17 ივლისიდან 22 ივლისის ჩათვლით (იხ. დანართი 1¹);“

V. კონტროლი ბრძანების შესრულებაზე დაევალოს სასწავლო პროცესის მეთოდური უზრუნველყოფის დეპარტამენტის უფროსს (გ. აბრამიშვილი).

VI. ბრძანება გამოიკრას თვალსაჩინო ადგილებზე და განთავსდეს უნივერსიტეტის ვებგვერდზე.

რექტორი



ა. ფრანგიშვილი

ვიზები:

ვიცე-რექტორი

ლ. კლიმიაშვილი

სწავლების დეპარტამენტის

უფროსი ი. ლომიძე

სამართლებრივი უზრუნველყოფის დეპარტამენტის

უფროსი ბ. მისურაძე

სტუდენტთა მიღწევების შეფასება

1. საქართველოს ტექნიკური უნივერსიტეტის პროფესიული განათლების ყველა საფეხურის საგნობრივი პროფესიული პროგრამების სტუდენტებისათვის (შემდგომში სტუდენტი) შუალედური შეფასება მოიცავს 3 შუალედურ გამოცდას (ტესტირებას);
2. შუალედური გამოცდების (ტესტირებების) შეფასებებია:
 - I შუალედური გამოცდა (ტესტირება) – მაქსიმალური შეფასება 20 ქულა;
 - II შუალედური გამოცდა (ტესტირება) – მაქსიმალური შეფასება 20 ქულა;
 - III შუალედური გამოცდა (ტესტირება) – მაქსიმალური შეფასება 30 ქულა;

დასკვნითი და დამატებითი გამოცდის მაქსიმალური შეფასება არის 30 ქულა. დასკვნით გამოცდაზე გასვლის უფლება ეძლევა სტუდენტს, რომელმაც შუალედური შეფასებების ჯამში დააგროვა 21 და მეტი ქულა, ამასთან შეასრულა და დროულად ჩააბარა სილაბუსით განსაზღვრული სამუშაოების მინიმუმი (ლაბორატორიული/პრაქტიკული).
3. დასახელებული მინიმუმის შესრულების და შესაბამისი დოკუმენტური მასალის ჩაბარების აღსანიშნავად, სააუდიტორიო მეცადინეობების ბოლო კვირის შეფასებების ფანჯარასთან ერთად გაიხსნება შესაბამისი ფანჯარა (შემდგომში – დოკუმენტური მასალის ფანჯარა) სათანადო მონიშვნის გაკეთების მიზნით. დოკუმენტური მასალის ფანჯარა იხსნება სილაბუსით განსაზღვრული თითოეული სამუშაოსათვის; დოკუმენტური მასალის ფანჯარა/ფანჯრები დაიხურება დასკვნითი გამოცდის ფანჯრის დახურვასთან ერთად;
4. საბოლოო დადებითი შეფასების გაფორმების მიზნით, სტუდენტი ვალდებულია გავიდეს დასკვნით გამოცდაზე. დასკვნითი და დამატებითი გამოცდის მინიმალური დადებითი შეფასებაა მაქსიმალური შეფასების მეოთხედი (7,5 ქულა). შუალედური შეფასებებისა და დასკვნით გამოცდაზე მიღებული შეფასების ჯამში 41-50 ქულის დაგროვებისას (FX შეფასება – ვერ ჩააბარა), აგრეთვე აღნიშნული შეფასებების ჯამში 51 და მეტი ქულის დაგროვებისას, მაგრამ დასკვნით გამოცდაზე არასაკმარისი შეფასების მიღებისას, სტუდენტს აქვს იმავე სასესიო პერიოდში დამატებით გამოცდაზე ერთხელ გასვლის უფლება;
5. დასკვნით ან/და დამატებით გამოცდებზე დოკუმენტურად დასაბუთებული საპატიო მიზეზით გამოუცხადებლობისას სტუდენტს, სწავლების დეპარტამენტის წარდგინებით და რექტორის თანხმობით, მიეცემა გამოცდებზე გასვლის უფლება მომდევნო სემესტრის დაწყებამდე;
6. დასკვნით და შესაბამის დამატებით გამოცდებს შორის შუალედი უნდა იყოს არანაკლებ 10 დღისა; დასკვნითი და დამატებითი გამოცდების შედეგები არ ჯამდება;

7. სტუდენტის საბოლოო შეფასება მიიღება შუალედური შეფასებებისა და დასკვნითი/დამატებითი გამოცდის შეფასების დაჯამებით. შუალედური შეფასებებისა და დასკვნითი გამოცდის შეფასების ჯამში 41-ზე ნაკლები ქულის დაგროვებისას (F შეფასება – ჩაიჭრა), შუალედური შეფასებებისა და დამატებითი გამოცდის შედეგად 51-ზე ნაკლები ქულის დაგროვებისას (შეფასებები FX ან F), აგრეთვე დასკვნით/დამატებით გამოცდაზე არასაკმარისი შეფასების მიღებისას (ქულების ჯამური რაოდენობის მიუხედავად), სტუდენტს საგანი ახლიდან აქვს შესასწავლი;
8. სასწავლო პრაქტიკა, რომლის ჩატარების ვადები სააუდიტორიო მეცადინეობების ჩატარების ვადებს ემთხვევა, ისევე შეფასდება, როგორც დამოუკიდებელი სასწავლო კურსი ან მისი კომპონენტი (სილაბუსით განსაზღვრული ფორმატის შესაბამისად);
9. საწარმოო პრაქტიკა, რომლის ჩატარების ვადები სააუდიტორიო მეცადინეობების ჩატარების ვადებს არ ემთხვევა, შეფასდება სილაბუსში აღწერილი წესით;
10. სასწავლო კურსის წამყვანი მასწავლებელი/პროფესორი ვალდებულია ელექტრონულ უწყისში შეიტანოს სტუდენტის მიერ მიღებული შეფასება.

საქართველოს ტექნიკური უნივერსიტეტი
 საგნობრივ პროფესიულ საგანმანათლებლო პროგრამებზე 2015 წლის 2 ნოემბრიდან ჩარიცხული პროფესიული
 სტუდენტების მეოთხე სემესტრის სასწავლო გრაფიკი

დანართი 1¹

პროცესები	კვირა	თარიღი
სააუდიტორიო მეცადინეობები	I	6-11 მარტი
	II	13-18 მარტი
	III	20-25 მარტი
	IV	27 მარტი - 1 აპრილი
	V	3-8 აპრილი
	VI	10-15 აპრილი
	VIII	18-22 აპრილი
	VIII	24-29 აპრილი
I შუალედური გამოცდა (ტესტირება)	IX	1- 6 მაისი
სააუდიტორიო მეცადინეობები	X	8-13 მაისი
	XI	15-20 მაისი
	XII	22-27 მაისი
	XIII	29 მაისი - 3 ივნისი
	XIV	5-10 ივნისი
II შუალედური გამოცდა (ტესტირება)	XV	12-17 ივნისი
სააუდიტორიო მეცადინეობები	XVI	19- 24 ივნისი
	VII	26 ივნისი - 1 ივლისი
	XVIII	3-5 ივლისი
III შუალედური გამოცდა (ტესტირება)	XVIII	6-8 ივლისი
სესიები (დასკვნითი გამოცდები)		XIX
I	XX	17-22 ივლისი
დამატებითი გამოცდები		

საქართველოს ტექნიკური უნივერსიტეტი

..... ფაკულტეტი
 № ჯგუფის პროფესიულ სტუდენტთა შეფასების უწყისი №

სწავლების წელი

სემესტრი

აკადემიური წელი

-

საგანმანათლებლო პროგრამა:

სასწავლო კურსის დასახელება:

წამყვანი მასწავლებელი/პროფესორი

ECTS კრედიტი

სწავლების ფორმა და კვირეული დატვირთვა, სთ :

ლექცია

პრაქტიკული

ლაბორატორიული

სასწავლო პრაქტიკა

საწარმოო პრაქტიკა

№	გვარი, სახელი	კვირები					საბოლოო შეფასება, ქულა	
		VII	XIV	XVIII	XVIII	XX		
		შუალედური შეფასებები, ქულა			სულ, ქულა	დასკვნითი გამოცდა, ქულა		დამატებითი გამოცდა, ქულა
		I შუალედური გამოცდა (ტესტირება)	II შუალედური გამოცდა (ტესტირება)	III შუალედური გამოცდა (ტესტირება)				
	მაქსიმალური ქულა	20	20	30	70	30	30	100
1								
2								
3								
4								
5								
6								
7								
8								
9								
10								
11								
12								

სასწავლო კურსის წამყვანი მასწავლებელი/პროფესორი	ინიც. და გვარი	ხელმოწერა	თარიღი	ფაკულტეტის დეკანი
აკადემიური დეპარტამენტის უფროსი	ინიც. და გვარი	ხელმოწერა	თარიღი	
		რეგ. №		ინიც. და გვარი ხელმოწერა